



ს ა ქ ა რ თ ვ ე ლ ო ქალაქის მუნიციპალიტეტის მერია



ბრძანება: ბ42. 422331012

თარიღი: 06/11/2023

ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო
გადაყვანის ნებართვის გაცემასთან დაკავშირებით კონკურსის გამოცხადებისა და
გასატარებელი დონისძიებების შესახებ

„ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო
გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა
და ნებართვის გაცემის ფასის გადახდის „წესის დამტკიცების შესახებ“ ქალაქ ფოთის
მუნიციპალიტეტის საკრებულოს 2021 წლის 13 აპრილის N5/10 დადგენილების, საქართველოს
ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის
„ლ“ ქვეპუნქტის, „ლიცენზიებისა და ნებართვების შესახებ“ საქართველოს კანონის 26²-ე მუხლის,
„საავტომობილო ტრანსპორტის შესახებ“ საქართველოს კანონისა მე-5₁ მუხლის პირველი პუნქტის
„ა“ ქვეპუნქტის და 5² მუხლის მე-2 პუნქტის შესაბამისად

ვ ბ რ ძ ა ნ ე ბ:

1. გამოცხადდეს კონკურსი ქალაქ ფოთის მუნიციპალიტეტის ადმინისტრაციულ საზღვრებში
რეგულარული სამგზავრო გადაყვანის ნებართვის გაცემასთან დაკავშირებით.

2. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო
გადაყვანის ნებართვის გაცემასთან დაკავშირებით განისაზღვროს საკონკურსო კომისიის
შემადგენლობა:

ა) დაგითი კვიციანი - ქალაქ ფოთის მუნიციპალიტეტის მერის პირველი მოადგილე, კომისიის
თავმჯდომარე;

ბ) ვასილ თოდუა - ქალაქ ფოთის მუნიციპალიტეტის მერიის საფინანსო-საბიუჯეტო და შესყიდვების
სამსახურის უფროსი, კომისიის წევრი;

გ) გახაბერ მაშავა - ქალაქ ფოთის მუნიციპალიტეტის მერიის ინფრასტრუქტურის სამსახურის
უფროსის მოვალეობის შემსრულებელი, კომისიის წევრი.

3. კომისიის თავმჯდომარის არყოფნის შემთხვევაში, თავმჯდომარის მოვალეობა დაეკისროს,
კომისიის წევრს, ქალაქ ფოთის მუნიციპალიტეტის მერიის საფინანსო-საბიუჯეტო და შესყიდვების
სამსახურის უფროსს ვასილ თოდუას.

4. ბრძანების მე-2 მუხლში მითითებული საჯარო მოხელეების სამსახურეობრივი უფლებამოსილების
შეჩერების პერიოდში, მათი უფლებამოსილების განხორციელება, წინამდებარე ბრძანების
საფუძველზე, უზრუნველყონ იმ საჯარო მოხელეებმა, რომლებიც შეასრულებენ დროებით არმოფი
საჯარო მოხელეების მოვალეობას.

5. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო
გადაყვანის ნებართვის გაცემასთან დაკავშირებით განისაზღვროს ქალაქ ფოთის მუნიციპალიტეტის
მერიის ინფრასტრუქტურის სამსახურის საჯარო მოსამსახურეებისაგან შექმნილი სამუშაო ჯგუფის
შემადგენლობა:

ა) იაგორ რომანაშვილი - ქალაქ ფოთის მუნიციპალიტეტის მერიის ინფრასტრუქტურის
სამსახურის, ტრანსპორტის განყოფილების უფროსი, სამუშაო ჯგუფის წევრი;

ბ) ლელა გოგელიძე - ქალაქ ფოთის მუნიციპალიტეტის მერიის ინფრასტრუქტურის სამსახურის,
ტრანსპორტის განყოფილების მეორე კატეგორიის უფროსი სპეციალისტი, სამუშაო ჯგუფის წევრი;

გ) ნუგზარ ალანია - ქალაქ ფოთის მუნიციპალიტეტის მერიის ინფრასტრუქტურის სამსახურის,
მუნიციპალური ინფრასტრუქტურის განვითარების, დაგეგმვისა და კოორდინირების განყოფილების
უფროსი, სამუშაო ჯგუფის წევრი;

(დ) თემური ოდიშარია - ქალაქ ფოთის მუნიციპალიტეტის მერიის ინფრასტრუქტურის სამსახურის, მუნიციპალური ინფრასტრუქტურის განვითარების, დაგეგმვისა და კოორდინირების განყოფილების პირველი კატეგორიის უფროსი სპეციალისტი, სამუშაო ჯგუფის წევრი;

სამუშაო ჯგუფი ვალდებულია მოახდინოს საკონკურსოდ წარდგენილი ავტოსატრანსპორტი საშუალების შემოწმება, შეფასება, სათანადო დასკვნის შედგენა და სხვა დოკუმენტაციის მომზადება.

6. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებული საკონკურსო განცხადება (**დანართი 1**) გამოქვეყნდეს ქალაქ ფოთის მუნიციპალიტეტის მერიის ვებ. გვერდზე <http://www.poti.gov.ge>.

7. განისაზღვროს ქალაქ ფოთის მუნიციპალიტეტის ადმინისტრაციულ საზღვრებში რეგულარულისამგზავრო გადაყვანის ნებართვის გაცემასთან დაკავშირებული, საკონკურსოდ გათვალისწინებული რეგულარული მარშრუტის ნომრები, მარშრუტებები მომუშავე (სამუშაო დღე) ავტოსატრანსპორტო სამუშალებათა რაოდენობა, სახეობა და მუშაობის დაწყება-დამთავრების დრო და ინტერვალი თანახმად **დახართი 2-ის**.

8. განისაზღვროს კონკურსის ჩატარების ადგილი - ქალაქი ფოთი, დავით აღმაშენებლის ქუჩა N12, კონკურსის ჩატარების თარიღი და დრო - 2023 წლის 30 ნოემბერი 12:00 საათი, ხოლო საკონკურსოდ წარმოდგენილი აგტოსატრანსპორტო საშუალება შეფასდეს ნებართვის მაძიებლის კონკურსში დამგებიდან 2023 წლის 28 ნოემბრიდან 29 ნოემბრის ჩათვლით, შესაბამისი გეგმა-გრაფიკის მიხედვით, შემდეგ მისამართზე: ქალაქი ფოთი დანელიას ქ. №39-ის მიმდებარედ.

9. განისაზღვროს საკონკურსო პირობები, კერძოდ:

ა) „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის გადახდის წესის დამტკიცების შესახებ“ ქალაქ ფოთის მუნიციპალიტეტის საკრებულოს 2021 წლის 13 აპრილის N5/10 დადგენილების შესაბამისად.

ბ) ქალაქ ფოთის მუნიციპალიტეტის საკრებულოს 2021 წლის 27 აპრილის N6/11 დადგენილების თანახმად, M3 კატეგორიის იმ ავტომუსებით, სადაც მგზავრობის ფასის გადახდა ხორციელდება ელექტრონული აღმრიცხველი საშუალებების გამოყენებით, 50% შეღავათაბაზი მგზავრობით ისარგებლებენ ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები:

ა) მეორე მსოფლიო ომის ვეტერანები და მათთან გათანაბრებული პირები;

ბ) საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედების ვეტერანები და მათთან გათანაბრებული პირები;

გ) სხვა სახელმწიფოთა ტერიტორიებზე საბრძოლო მოქმედებების ვეტერანები და მათთან გათანაბრებული პირები;

დ) სამსედრო ძალების ვეტერანები;

ე) მკვეთრად გამოხატული შეზღუდული შესაძლებლობის მქონე პირები.

მგზავრობის გადასახადისაგან სრულად თავისუფლდება ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები:

ა) 0-6 წლამდე ბავშვები;

ბ) სკოლის მოსწავლეები (24 საათში 2-ჯერ);

გ) ა(ა)იპ „ქალაქ ფოთის მუნიციპალიტეტის სოციალური მომსახურების ცენტრის“ ბენეფიციარები, შედგები და ექიმები.

დ) ა(ა)იპ კოალიცია „სოციალური რეფორმებისათვის“ დღის ცენტრის თანამშრომლები;

ე) შეზღუდული შესაძლებლობის მქონე უსინათლო პირები და გადაადგილებისას მათთან ერთად მყოფი დამხმარე ნებისმიერი პირი.

ტრანსპორტით მომსახურების ღირებულება განისაზღვრება 50 თეთრის ოდენობით.

10. ქალაქ ფოთის მუნიციპალიტეტის საკრებულოს 2021 წლის 13 აპრილის N5/10 დადგენილების დანართი N2-ის მე-4 მუხლის პირველი პუნქტის თანახმად კონკურსში გამარჯვებულმა, ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის განხორციელების უფლებამდე წინასწარ უნდა გადაიხადოს 1 (ერთი) თვის თანხა, ხოლო ერთი თვის შემდეგ ყოველ თვე 1 (ერთი) თვის გადასახდელი თანხის ღირებით არაუგვიანეს ყოველი თვის ბოლო დღისა წინადამდეგ შემთხვევაში, საქართველოს ადმინისტრაციულ სამართალდარღვევათა კოდექსის 135-ე მუხლის (ადგილობრივი საქალაქო რეგულარული სამგზავრო გადაყვანის განხორციელება სახებართვო პირობების დარღვევით) თანახმად ნებართვის მფლობელი დაჯარიმდება 100 (ასი) ლარის ოდენობით.

11. განისაზღვროს კონკურსში მონაწილეობისათვის საჭირო დოკუმენტების ჩამონათვალი, კერძოდ: განცხადება, განცხადებას თან უნდა დაერთოს:

ა) კერძო სამართლის იურიდიული პირისა და ინდივიდუალური მეწარმისათვის მეწარმეთა, არასამეწარმეო (არაკომერციული) იურიდიული პირების რეესტრიდან ამონაწერები;

ბ) ნებართვის მაძიებლის მფლობელებაში არსებული და კონკურსშე წარსადგენი ავტოსატრანსპორტო სამუშალების სარეგისტრაციის მოწმობის, ავტოსატრანსპორტო საშუალების პერიოდული ტექნიკური ინსპექტორების შემთხვევაში ხელშეკრულების ასლები.

- გ) დოკუმენტაცია მარშრუტზე განსახორციელებელი საქმიანობის ტექნიკურ-საექსპლუატაციო და სხვგა მაჩვენებლების შესახებ, როგორმაგ ასახული უნდა იყოს:
- გ.ა) მგზავრთა გადაყვანის განსახორციელებლად გამოსაყენებელი სატრანსპორტო საშუალების მარგა, მოდელი, ტევადობა, სარეგისტრაციო და საიდენტიფიკაციო ნომრები, ზნოვანება (გამოშვების წელი).
- დ) ნებართვის მაძიებლის მიერ წარმოდგენილი სატრანსპორტო საშუალების შესაბამისი კატეგორიის მძღოლის/მძღოლების მართვის მოწმობა (თითოეული სატრანსპორტო საშუალების მიხედვით);
- ე) მძღოლის/მძღოლების ჯანმრთელობის ცნობა (ფორმა N100).
- ვ) კონკურსანტი ვალდებულია წარმოადგინოს საკონკურსო პირობებთან ერთად მგზავრთა გადაყვანის სავარაუდო ღირებულების ზედა ზღვარი, რომელიც არ შეიცვლება ნებართვის მოქმედების პერიოდისთვის.
- ზ) ნებართვის მოქმედების პერიოდისთვის მგზავრთა გადაყვანის ზედა ზღვრის შეცვლა დასაშვებია მხოლოდ ნებართვის გამცემ ორგანიზაციის შეთანხმებით ფასწარმოქმნის მექანიზმში არსებული ძირითადი კომპონენტების დასტურის საფუძველზე, რომელიც არ იქნება 10%-ზე ნაკლები.
12. საკონკურსო განაცხადის მიღება დამთავრდეს, 2023 წლის 24 ნოემბერს 17 საათზე, (მისამართი: ქალაქ ფოთი, აღმაშებელის ქუჩა N12).
13. საკონკურსო კომისიის სრული მისამართია ქალაქი ფოთი, დავით აღმაშენებლის ქუჩა N12;
14. განისაზღვროს საკონკურსოდ წარმოდგენილი ავტოსატრანსპორტო საშუალებების მიმართ წაყენებული მოთხოვნები და კონკურსის მონაწილე ნებართვის მაძიებლის შეფასების კრიტერიუმები თანახმად დანართი 3 -ისა:
15. კომისიამ, სამუშაო ჯგუფის მიერ, საკონკურსოდ წარმოდგენილი სატრანსპორტო საშუალების შემოწმებამდე (არაუგვიანეს 2023 წლის 28 ნოემბერი) დაადგინოს საკონკურსოდ წარმოდგენილი დოკუმენტაციის შესაბამისობა საკონკურსო პირობებთან. **აღნიშნული პროცედურის დროს მოწმდება:**
- ა) სრულად არის თუ არა წარმოდგენილი ყველა საჭირო დოკუმენტაცია;
- ბ) შესაბამება თუ არა წარმოდგენილი დოკუმენტაცია საკონკურსო პირობებით დადგენილ მოთხოვნებს.
16. ნებართვის მაძიებელი უფლებამოსილია დოკუმენტაციის მიღების ვადის დასრულებამდე მოახდინოს დაშვებული შეცდომების, უზუსტობების გასწორება.
17. კომისია ნებართვის მაძიებელთა კონკურსში დაშვების თაობაზე გადაწყვეტილების მიღების შემდეგ, მასალების საჯარო განხილვის მიზნით აქვეყნებს (ვებ. გვერდზე <http://www.poti.gov.ge>) ცნობას, სადაც მითითებული უნდა იყოს:
- ა) არსებული რეგულარული საქალაქო მარშრუტის ნომერი და მასზე სამგზავრო გადაყვანის ნებართვის მისაღებად კონკურსზე დაშვებული ნებართვის მაძიებლ(ების)ს სრული დასახელება;
- ბ) ინფორმაცია საკონკურსო დოკუმენტაციის გაცნობისათვის წერილობითი შენიშვნების და მოსაზრებების წარდგენის ვადების შესახებ;
18. ის საკითხები, რომელიც არ არის დარეგულირებული აღნიშნული ბრძანებით რეგულირდება, ქალაქ ფოთის მუნიციპალიტეტის საკრებულოს 2021 წლის 13 აპრილის №5/10 დადგენილებით „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის გადახდის წესის დამტკიცების შესახებ“ და მოქმედი კანონმდებლობით.
19. კონკურსში გამარჯვებული ვალდებულია წარმოდგენილ სატრანსპორტო საშუალებაზე დასასაქმებელი კონტინგენტის (მძღოლების) შერჩევისას უპირატესობა მიენიჭოს ქალაქ ფოთის მუნიციპალიტეტი 2021-2022 წლებში ადგილობრივ ტერიტორიულ სპეციალისტთან რეგულარულ მგზავრთა გადაყვანაზე რეგისტრირებულ მძღოლების დასაქმებას.
20. ძალადაკარგულად გამოცხადდეს ქალაქ ფოთის მუნიციპალიტეტის მერის 2022 წლის 12 ოქტომბრის N42.422228516 ბრძანება „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაგავშირებით კონკურსის გამოცხადებისა და გასატარებელი ღონისებების შესახებ“.
21. საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, ბრძანება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მის. ქალაქი ფოთი, დავით აღმაშებელის ქუჩა N3).
22. ბრძანება გამოიკრას საჯაროდ ქალაქ ფოთის მუნიციპალიტეტის ადმინისტრაციულ შენობაში.
23. ბრძანება გამოვეყენდეს ქალაქ ფოთის მუნიციპალიტეტის მერის ვებ-გვერდზე <http://www.poti.gov.ge>.
24. ბრძანება ძალაშია ხელმოწერისთანავე.

ბექა ვაჭარაძე

ქალაქ ფოთის მუნიციპალიტეტის მერია-ქალაქ ფოთის მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი



